



KODEKS

O PONAŠANJU U VATERPOLO KLUBU „BORAC”

2017. godina

1. UVOD

Ovim kodeksom utvrđuju se načela ponašanja vaterpolista, trenera, roditelja i drugih članova Vaterpolo kluba "Borac" (u daljem tekstu: Klub) u pogledu ostvarivanja osnovnih statutarnih programskih ciljeva i djelatnosti Kluba, te poštivanja odnosno izvršavanja njihovih prava, obaveza, odgovornosti i dužnosti koje proizilaze iz zakona i drugih relevantnih akata koji uređuju područje sporta.

Ovaj kodeks ima za cilj promovirati osnovne elemente izgradnje karaktera i sportske etike koji se sadržavaju u konceptu sportskog ponašanja u ključnim principima: povjerenje, poštovanje, odgovornost, transparentnost, pravednost, briga i socijalizacija, te da se najveći rezultati sporta mogu ostvariti kada se ponašanje, treninzi i natjecanja odražavaju u skladu s ovim načelima. Izrazi vaterpolist, trener, član i sl. u kodeksu nisu rodno određeni i odnose se na pripadnike oba spola jednako. Svi vaterpolisti, treneri, roditelji i drugi članovi Kluba prihvataju kao izraženu volju ovaj kodeks sa danom njegovog objavljivanja na zvaničnijoj internet stranici Vaterpolo kluba „Borac”.

Ponašanje na službenim i drugim takmičenjima je ogledalo Kluba i svih ljudi koji su sa njim povezani. Jedan eksces je eksces svakoga člana, te je svaki član dužan spriječiti individualne ekscese drugih članova. Najstrožije se zabranjuje ponašanje i komunikacija kojom se vrijeđaju, ponižavaju ili provociraju sudije, treneri ili drugi igrači bilo koje ekipe, sudjelovanje u tučnjavi kao i drugi oblici nesportskoga ponašanja.

2. PRAVILA PONAŠANJA VATERPOLISTA

Vaterpolisti Kluba su dužni pridržavati se pravila i kodeksa ponašanja našeg Kluba u svim prilikama dok su članovi VK „Borac”, a to podrazumijeva:

1. u svakoj prilici govoriti afirmativno o Klubu;
2. prisustvovati manifestacijama od javnog interesa na koje su pozvani i na taj način promovirati Klub;
3. izbjegavati sporove nastale u razdoblju trenažnog procesa i na natjecanjima, sporove van toga smanjiti na najmanju moguću mjeru, te ih riješiti na civilizovan način u okviru struktura Kluba.

U cilju postizanja što boljih rezultata i promocije Kluba vaterpolisti su dužni:

- dolaziti na treninge **redovno** i i **na vrijeme** (15 minuta prije zakazanog vremena)
- na treningu biti u opremi,
- poštovati zabranu komuniciranja i ponašanja koje dovodi do bilo kakvog incidenta ili ekscesa,
- obavezno preduhitriti sve incidentne odnosno ekscesne situacije – ozljede, bolesti itd.
- na takmičenjima obavezno nositi opremu i odjeću Kluba;
- za rješavanje eventualnih problema kontaktirati prvo trenera, a tek potom odgovarajućeg koordinatora Kluba;
- kontakti s medijima mogu se obavljati samo uz prethodnu saglasnost Kluba tj. ovlaštene osobe koje zastupa Klub,
- ponašati se civilizovano u javnom životu (strogo zabranjeno konzumiranje cigareta, droga i drugih opijata),
- ponašati se civilizovano na putovanjima u zajedničkom prijevozu ili drugim prijevoznim sredstvima i u skladu s pravilima koje će odrediti trener i vođa puta;
- biti uzoran član zajednice i odličan učenik.

3. PRAVILA PONAŠANJA TRENERA

U cilju postizanja što boljih rezultata i promocije Kluba trener je dužan:

- ponašati se shodno svim odredbama ovog kodeksa koji su primjenjivi u konkretnoj situaciji;
- prilagoditi plan treninga i takmičenja datoj situaciji i izvršavati dogovorene obaveze prema utvrđenom planu i programu;
- dolaziti na treninge redovito 15 minuta prije zakazanog vremena;
- biti u opremi Kluba na treningu i takmičenju, kada je to predviđeno;
- obavezno preduhitriti sve incidentne, odnosno ekscesne situacije;
- za rješavanje eventualnih problema odmah kontaktirati odgovorne osobe Kluba
- kontakte s medijima može obavljati samo uz prethodnu suglasnost klupskog vodstva;
- ponašati se civilizovano u javnom životu;
- ne smije prihvatati druge angažmane bez dozvole Uprave Kluba, imajući u vidu da je isti angažovan od Kluba;
- imati korektan odnos prema vaterpolistima, suparnicima, sudijama, navijačima, klupskom vodstvu;
- ponašati se civilizovano i u skladu s pravilima, koji su prethodno dogovoreni na putovanjima u zajedničkom prijevozu ili drugim sredstvima prijevoza i to činiti u saradnji sa vođom puta;
- prilagoditi način odijevanja i ponašanja u javnom životu, a u skladu s okolnostima situacije;
- biti uzoran član zajednice.

Sankcije za prekršaje iz ovog člana primjenjuju se isključivo u skladu s propisima koji regulišu područje sporta, kao i važećim aktima Kluba, odnosno Ugovorom.

4. PRAVILA PONAŠANJA RODITELJA

U cilju razvoja vaterpola kao sporta, ostvarivanja temeljnih načela sporta, poštivanja sportske etike, izgradnje ličnosti pojedinaca i pripadnosti Klubu, stvaranja i osigurivanja međuljudskih načela, te promocije Kluba, roditelji su dužni preduzeti sve potrebne aktivnosti, a naročito:

1. ne smije prisiljavati svoje dijete da se bavi sportom, ako to dijete ne želi;
2. uvijek mora imati na umu da dijete sudjeluje u sportu kako bi bilo društveno biće, zabavljalo se i da je sport igra za djecu, a ne za odrasle;
3. o bilo kakvim fizičkim ograničenjima ili bolestima koja mogu uticati na sigurnost djeteta ili druge djece, obavještava trenera ili drugu odgovornu osobu u Klubu;
4. naučiti bar temeljna pravila sporta i takmičenja;
5. obavezno biti pozitivan primjer djeci i ostalim roditeljima i podržavati sportsko ponašanje iskazujući poštovanje, pristojnost i podršku svim vaterpolistima, trenerima, službenim osobama i biti uzor i primjer roditelja u sportu;
6. ne smije sudjelovati ni u kakvom obliku nesportskog ponašanja sa službenim osobama, trenerima, vaterpolistima, roditeljima, kao što su dobacivanje i ruganje ili upotreba prostačkog ili uvredljivog jezika ili gesta, a posebno fizičkog obračuna ili pokušaja fizičkog obračuna;
7. za rješavanje eventualnih problema prvo kontaktirati odgovornu osobu Kluba, a tek potom trenera;
8. ukoliko ne postoje objektivne okolnosti (bolest, obaveze prema školi, praznici, godišnji odmori), obavezno je da organizuje dovođenje djeteta na treninge **redovno** i **na vrijeme** (15 min.) prije zakazanog početka treninga;
9. svakog mjeseca, do utvrđenog datuma, podmiriti članarinu ili druge finansijske obaveze (ukoliko postoje) prema Klubu;
10. ispoštovati sve upute koje se odnose na zdravstvena pitanja i sarađivati sa zdravstvenim službama i posebnim organima koji provjeravaju upotrebu nedozvoljenih stimulativnih sredstava;
11. učiniti sve da uputi svoje dijete da je važnije dati sve od sebe nego pobijediti, tako da se nikad ne osjeti poraženim radi rezultata takmičenja ili svojih sposobnosti,

12. promovisati emocionalnu i fizičku dobrobit takmičenja iznad bilo kakvih vlastitih želja za pobjedom svog djeteta;
13. roditelj djeteta učlanjenjem u Klub i plaćanjem članarine automatski daje suglasnost da njegovo dijete sudjeluje na svim takmičenjima, turnirima, pripremama i drugim aktivnostima organizovanim od strane Kluba, ukoliko se nije drugačije pismeno izjasnio;
14. roditelj djeteta učlanjenjem u Klub i plaćanjem članarine automatski daje suglasnost Klubu da može za potrebe Kluba koristiti fotografske i video-materijale snimljene za vrijeme trenažnih procesa, utakmica, turnira i drugih aktivnosti organizovanih od strane Kluba, ukoliko se drugačije nije pismeno izjasnio,
15. poštovati službene osobe, postupati u skladu sa njihovim obavezama i ne dovoditi u pitanje njihov autoritet i ne suprotstavljati se trenerima, službenim osobama kluba, takmičenjima, već sva pitanja, raspraviti na dogovorenom mjestu i vremenu;
16. suzdržavati se od upotrebe cigareta, alkohola i sl. na svim sportskim dešavanjima.

Svako narušavanje dužnosti je klupski prekršaj i automatski dovodi do sankcija, o čemu odluku donosi Upravni odbor Kluba i to:

1. Usmenom opomenom
2. Pismenom opomenom
3. Prestankom članstva u Klubu
4. Raskidom Ugovora
5. Za sve prekršaje koji nisu obuhvaćeni ovim kodeksom, Upravni odbor rješavati će posebnim odlukama.

Ovaj kodeks stupa na snagu danom donošenja.

Mi smo Klub koji brine ne samo za sportsko tj. fizičko vaspitanje djece, već da djeca postanu ljudi.

Banja Luka, 2017

